



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 25. Ab Rocho Gonsalvio inferior Paranæ pars sæpè percurritur.

**urn:nbn:de:hbz:466:1-38528**

Pericula.

Tabacambius refigit.

Et ejus ne-

Arapizan-

Apostata

Rochum Gô-

falcum in-

terturbat.

Gonsalvius re-

frenatur.

Quaracipu-

catus oblo-

quatur.

Gonsalvius

pedem re-

trahit.

CAPUT

XXV.

Ab Rocho

Gonsalvio

inferior Pa-

caput objectum. Ejus exemplo totidem Itapuani se Rocho Gonsalvio adjungunt, qui animorum ardore usus exiguò hoc comitatu navigolum ascendit. Secundo die quam discesserat, comites ingenti metu perturbati sunt. De qua re Rochus Gonsalvius ad Franciscum à Valle Itapuæ relictum scribens, *Post emensas, inquit, decem leucas metus ita invasit comites meos, ut de reditu cogitent: nam Ethnici in utroque littore barritus, buccinis & ignibus, de adventu meo se invicem monent: nec satis scio quò hac terriculamenta resident. Sed si Deus pro nobis, quis contra nos?* Sicut fuerit voluntas in Cælo, sic fiat. Deus nobis aderit: tu nos precibus adjuva. Inter hos tumultus ad Tabacambii pagum pervenente. Is vicinos populos convocarat armatarque ad Rochi Gonsalvii confilia captanda, qui ut cognovit cum ultra peregre velle, superbâ voce monet ut retrocedat. Cui Gonsalvius solitâ magnanimitate: *Non, inquit, hac veni ut pedem cum dedecore retraham: ibo quò me Deus per meos Majores ire jubet, meq; nulla discrimina, nulli metus, nulla rabies impedit, quominus ego legatus Summi Dei ministerium meum impleam.* Loquentem interturbavit Tabacambii nepos, ariolandi arte famosus, prohibens ultrâ tendere. Cum igitur vis timeretur, Arapizanduvius, imperanti quâm roganti similior, autoritatem interponens, impetrat ne Sacerdotem nulli nocivum, omnibus beneficum, retrocedere cogerent. Sic dissipata nubes est; qua progradienti luci Evangelica fœle offundebat: & Rochus ultrâ perrexit, exploravitque utrumque Paranæ littus, occurrentibus passim præsentissimis vita discriminibus, donec eò perveniret, quò quamplurimi Barbari clavâ & arcu instructi, pictis pro more Barbaricæ militiae corporibus, convenerant, ducibus tribus Apostatis, quorum impiissimus Rochum de Divinis rebus loqui inceptantem arroganter interturbans: *Tace, inquit, o Sacerdos, & ne obtrudas nolentibus centies olim mihi recantata deliria. Apage doctrinæ tua nentias, veterana sum vulpes, eoq; laqueis tuis minimè opportuna: technas Patrum Societatis IESTU calleo, quorum munus est sylvas omnes, antra, fluvios excutere, nî obtrusione Divinorum Mysteriorum deceptis populis imponant, Hispanisq; in servitium tradant. His dictis ad suos conversus: Si, inquit, ergastula, egestatem, filiorum vestrorum servitutem, transmigrationem, & omnes calamitates amatis, hunc Sacrificalum audite: & me, si avita libertas placet, sequimini.* Plura dictorum Rochus Gonsalvius vultu ad majestatem composito, ut erat tractandorum Indorum peritus, his fermè verbis interpellat. *O turpis, inquit, & infamis apostata, quid deblateras? Abrenunciato olim demoni rursum te mancipasti, ut recoltum stygis mancipium diceres & effes. Desertâ Christi Fide huic te Ethnicorum corruptela immiscisti, ut te & illos perdas. Quæ tua phrenesis est, qualiacumque satellitum tuorum arma Crucis, quam manu gesto, omnium domitrici, & te turpiculum tenebriōnem mihi Summi Dei Sacerdoti & legato velle opponere? Demitte fastum, o bestia, meq; jussu Pontificis Maximi, & Regis Catholicæ longè latèque per utrumque Orbem imperantis, nomine, verba salutis nunciantem patienter audi. Non ego vobis tales Deos, quales vestri obtrudunt veteratores, sed unum Deum omnium rerum Creatorem, Trinum in Personis, unum in essentia, necnon IESVM-CHRISTVM de Virgine natum, & pro salute nostra passum, prædico. Inde cum summâ eloquentiâ reliqua nostræ Fidei Mysteria explicuisset, ita Apostata æquè ac Ethnici sermonis granditate permoti sunt, ut se longè tractabiliores, quâm antea, Rocho permitterent. Sed quia Quaracipucutius Ethnorum dux obloqui deinde cœpit afferre, Gonsalvius crudis hominibus & armatis non satis fidens, secundo flumine inter amicorum gratulationes (quod putarent necem non evalerum) & occurrentia iterum pericula, duplicitâ celeritate relegit. Quæ pericula à me sigillatim hoc loco explicata sunt: nam si bellicarum rerum scriptores militum audaciam in explorandis hostium viribus fusè explicit, cur ego pro amplificando Regis Regum dominio Heroum in adeundis discriminibus fortitudinem malignâ brevitate corrumpam?*

**G**ONSALVIUS post mensem Itapuam redux, Franciscum à Valle Socium suum, qui ter & trices pro felici successu sacrificaturum se spondet, de omnium incolumente anxiū ingenti lœtitia afficit. Neophyti vero Ignatiani

&amp; Itapuani

& Itapuani, quod pro Evangelio vitam suam obtulissent, apud omnes fortitudinis Christianæ gloriam adepti sunt, præsergit Arapizanduvius, qui hoc facinore præteriti anni inconstantiam abunde oblitteravit. Heus expeditionis fructus fuit qui sperabatur, nimirum terræ & animorum exploratio, ex qua cognitum, plerosque adversi Paranæ accolas, Evangelio adhuc immaturos, paulatim beneficiis deviciendos esse, antequam ad oppida reduci possent. Vix redux Rochus Gonsalvius, ut est audax & irrequia caritas, cuin paucis comitibus secundo Paranâ ad Ethnorum pagos sibi delatus, effecit ut multi Ethnici Jaguapuam, Religionis capessendæ & incolendi ergo, se conferrent. Hispanos intempestivè arma Paranensibus ostentantes autoritate compescuit. Ferdinandum Ariam Prætorem affinitatis jure monuit, ne vellet bello irritare, quos una Crux Christo sine languine aliquando debellatura erat. Ararepam & Tabacambium spe fundandorum oppidorum (uti in eorum terris factum est) aluit. Marcellum Lorençanam, Paranam pro Provinciali insipientem, ostensâ vicinarum Provinciarum Christo subjugandarum spe, exultantem exceptit. Claudium Ruierium Burgundum, alteram Paranaensis Provinciae columnam futurum, Didaco Boroæ Batbaticâ lingua informandum tradidit. Sed continuus & præcipius labor ejus fuit in stabiliendo Itapuano & Jaguapuano oppidis, ut ex his quasi præsidiis bellum dæmoni latissimè inferret.

**I**N Guairaniâ notabilis etiam fuit Josephi Cataldini ad Tucutientes Barbaros expeditio. Hi ab actionis metu, patriis fontibus desertis, novos pagos in abditissimis locis construxerant, cò adiri difficultibus, quod contra prædones omnes sylvorum aditus meticuloius obseperant. Nec inanis erat eorum metus: nam Indorum abactores de iis ad servitiam abigendis agitabant, quos ut præverteret Cataldinus, morte suo præmissis Neophytorum fidelissimis, animos Tucutensium exploraturis, non dubitavit cò per intactas sylvas cum pauculis Indis penetrare. Quindecim diebus cum vepretis cluckatus, in gentis excubitorem incidit, quo sibi conciliato, ad pagum ducentis Barbarorum familiis constantem pervenit: quos ob novitatem hospicium tumultuantes adeò appositâ oratione repressit, ut nisi obstaret Casiquii absentis, ex quo omnis vicinitas pendebat, authoritas, se illicò Patti traderent. Quâre intellectâ, Cataldinus tricubitalem Crucem, pro scipione ab nostris operariis gestari solitam, misit, rogans ut accepto eo benevolentia pignore ad se venire ne gravaretur. Venit Casiquius, cuius autoritate allecti, frendente licet præstigatore, nongenti Barbari Cataldino se adjunxere. Nec difficile futurum erat cò loci multitudinem tantam cogere, quanta sufficeret ad justum oppidum conflandum, si Sacerdotum copia sufficeret. Verum, considerato præsentium rerum statu, satis habuit si nongenta ea capita in tutum recuperet. Sed dæmon tanto vulnere exacerbatus, ejus necem veteratori suadet, qui corruptâ jam multitudine indubie scelus patrastet, nî eventilita perfidia ad Caraldini aures pervenisster, dedissetque locum Barbarorum animos sibi reconciliandi: qui ne iterum dæmonis artibus per præstigatores corrumperentur, transmigrationem acceleravit. In diffilimmo itinere dum versarentur, numeroſa prædonum Brasiliensium turba Guairaniâ infestabat, à quibus ne quid Tucutientes paterentur, Tygris insiliens prædonum ducis calvam pelle nudavit, reliquis latronibus ad fugam eo tempore coactis, quo Cataldinus novellam Tucutensium turbam in oppidum inducebat: Deo scilicet pro Christianæ Legis candidatis ferarum rabiem in hostes animante.

ranæ pars  
sepe per-  
curritur.

Rochus Gon-  
salvius Eth-  
nicos redu-  
cit.

Claudiu-  
Ruierius ad-  
ventus.

**CAPUT**  
**XXVI.**  
Expeditio  
ad Tucu-  
tientes in  
Guairaniâ

Crucis offi-  
cacia.

Gentis Cas-  
quius con-  
ciliatur.

Nongenti  
Barbari Ca-  
talдino ad-  
harent.

Veterator in-  
terterbat.

Tucutientes  
feliciter re-  
ducuntur.

Prædonum  
dux caſiga-  
tur.